

Proyecto school Multilingual cu un celebracion historico



un contesta riba su poesia cu un contrapoesia "Bo soño, mi soño, nos soño a bira realidad!" skirbi pa Evelyn Ruiz-Croes.

Na final di esaki nan a regala Belen Kock-Marchena un bunita leishi cu e contrapoesia den dje. Régine Croes lider di Proyecto school Multilingual a haci un reconocimiento special cu entregamento di un regalo na diferente luchador clave di e proyecto school Multilingual.

Den mesun rosea el a gradici tur persona cu di un manera of otro a contribui pa haci e proyecto PSML un realidad y a duna un splicacion di alfabetisacion. E atardi a transcuri cu un bunita presentacion di alumnonan di school Preparatorio Conrado Coronel cu un sketch na Papiamento di vocal y poesia y na Hulandes den forma di un cantica. Despues a sigui un bunita presentacion di alumnonan di school Preparatorio Trupial den forma di un cantica na Ingles y Spaño. Siguietemente a tuma lugar un bunita presentacion di alumnonan di school Basico Colegio San Hose cu

e tema di pirata den forma di canto y baile na Hulandes.

E anochi a sigui cu un presentacion di e alumnonan di school Basico Conrado Coronel cu a trece e bunita poesia "Aruba Dushi Tera" dilanti, saca for di e buki di Liliana Braamskamp-Erasmus "Rima rond di Aruba". A tuma lugar un reconocimiento special pa e schoolnan Preparatorio y pa e schoolnan Basico y un elogio grandi cu nan a tuma e curashi di ta e promenan cu a forma parti di e Proyecto school Multilingual. Minister di Enseñansa a clausura e anochi aki cu palabranan di gratitud y positivismo pa cu e proyecto aki y pa esnan involucra cu un proyecto asina importante pa enseñansa di Aruba. Publico tabata tin e oportunidad pa mira un bunita expo cu a inaugura riba e dia aki den e sala di entrada di Biblioteca Nacional Aruba. E expo aki lo keda activo pa dos siman. Departamento di Enseñansa kier a tuma e oportunidad aki pa gradici tur esnan cu di un manera of otro a contribui cu e proyecto y e celebracion aki.

ORANJESTAD (AAN): Dia 20 di juni 2013, a tuma lugar un celebracion historico pa e Proyecto school Multilingual. Cu e tema di alfabetisacion; siña lesa y skirbi na Papiamento nan a celebra e logronan di e proyecto aki te cu awo. Esaki a tuma lugar na George Madurostraat dilanti Biblioteca Nacional Aruba. E atard a cuminsa

cu e apertura oficial cu tabata consisti di e bunita presentacion di e hobencito Steve Geerman cu tabata tin e honor di deleita publico presente cu nos bunita himno "Aruba dushi tera".

Despues e MC-nan Vanessa Meijer y Jade Padron-Faneites maestronan di school Basico Conrado Coronel a duna un palabra di bon bini

na e invitadonan special y publico presente. E atardi a sigui pa un declamacion di e poesia "Juffrouw, ik heb een bôter meegebracht!" di Belen Kock-Marchena.

Despues di su declamacion Belen Kock-Marchena a haya un sorpresa ora cu alumnonan di school Basico San Hose y school Basico Conrado Coronel a presenta

Telefonnan di DIARIO
582 6747 / FAX 582 8551